



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

Ordo processionis solennioris.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

& in festo Corporis Christi, vel aliis diebus pro consuetudine Ecclesiarum.

Quædam verò sunt extraordinariæ, ut, quæ variis ac publicis Ecclesiæ de causis indicuntur. Ad Ordinarium loci spectat decernere atque edicere, quò & quâ viâ processionibus dirigi, quasque ad Ecclesias nominatim produci debeant, ut statuit Sac. Congregatio Cardinal. ad Concil. Trident. * in decis. incip. Ad Episcopum in vers. in process. publicis. Laicis est etiam interdictum de jure civili * facere processionibus sine consensu Episcoporum; Ex quibus facillè quisque animadvertet, quæ de causa aliqua processionibus, aut etiam quædam à laicis sine præhabito ordinarii consensu, in processionibus introducta fuerint per Visitatores nostros abrogata.

* cap. 13. sess. 25. de reg. * Authent. de SS. Episcop. §. omnibus autem laicis. colum. 9.

ORDO PROCESSIONIS SO- LLENNIORIS.

Primum locum occupant catecheticae lectiones puerorum (qui vel nullam, vel talem frequentant scholam, quæ ad Ecclesiam certam non spectat, nec Clericis alicujus Ecclesiæ conjungitur) ac puellarum, si quæ sint, vexillis propriis distinctæ, ac suavibus melodiis Deum laudantes.

Deinde præcedunt Confraternitates laicorum, ante quamlibet sodalitatem, si plures sint, crux deferri debet, cum proprio vexillo propè summitatem hastæ appenso, ipsâ cruce quæ mediocris formæ esse debet superpositâ: velum illud sit cum imagine sancti sub quo sodalitas militat.

Rit. Rom. tit. de process.

Tum sequuntur secundùm ordinem dignitatis vel antiquitatis religiosi, quilibet post suam crucem cum velo, in quo sanctus titularis, deferrique debet eum velo pendente ex decreto Sac. Congregationis * ad indicandam subjectionem & inferioritatem respectu Cleri sæcularis: eadem ratione quâ baculo Abbatiali appenditur velum vel sudarium nodo ejusdem, ad differentiam baculi Episcopalis. Postmodum curiales & officiales portantes intortitia, inter quos nobiliores.

Gavant.

* 14. Jan. 1617.

Cerem. Episcop. lib. 2. c. 33.

Cerem. Episcop. cit. loc.

Deinde Clerus sæcularis (ita ut, si Clerus Cathedralis adsit, primò loco minister portans crucem Ecclesiæ cathedralis, inter duos ceteros gestantes cereos accensos progrediatur) quam crucem sequuntur Clerici seminarii si adsint: & post eos curati Ecclesiarum

Cerem. Episc. ibid.

tum Ecclesiæ Collegiæ, singuli deferentes suam crucem cum hasta, junctis eidem cruci scholaribus ac choralibus, utpote ad morale ejusdem Ecclesiæ corpus pertinentibus commembris, si scholas proprias ac chorales habent: Ultimò incedit Ecclesiæ Cathedralis aut Metropolitanæ Clerus: in quorum sine dignitates cum pluvialibus.

*Cerem.
Episcop.*

Post Clerum sequuntur alii quidam cum facibus, superpelliceis induti, dein duo thuriferarii cum duobus thuribulis & naviculis thure repletis, continuò per viam processionis sanctissimum Sacramentum incensantes.

*Cerem.
Episcop.
lib. 2. c. 33.*

Post hos umbella sequitur sub qua sacerdos portans monstrantiam cum sanctissimo Sacramento, capite detecto incedit medius inter Diaconum & Subdiaconum, aut duos viros primarios, fimbrias anteriores pluvialis elevantes. Ab utraque umbellæ parte aliqui Clerici superpelliceis induti, aut aliqui viri honesti decenter vestiti cum facibus accensis.

Post umbellam cæremoniarius cum socio, vel unus aut duo Clerici superpelliceis induti pro Sacerdotis circumgestantis sanctissimum Sacramentum, & processionis occurrente necessitate.

Tandem Magistratus & alii cives plebeji bini & bini, inter quos primum locum obtinent Principes & gubernatores, omnes detectis capitibus, devotè orantes: si gestent cereos, non extinguuntur nisi datâ cum venerabili Sacramento, benedictione.

In omnibus processionibus venerabilis Sacramenti, dum Sacerdos portans SS. Sacramentum discedit ab altari, Clerus incipit hymnum: Pange lingua &c. & per totam viam omnes debent esse aperto capite.

Ad processionem solennem benè instituendam necessarium quoque videtur, ut Magistratus loci in quo processio instituitur, tempestivè præmoneatur ad coercendam impiorum insolentiam, impediendumque ne in via, per quam proceditur, esculenta aut poculenta vendantur, vel removendum alia, quæ devotionem veram impediunt.

Plateæ omnes quas transitura est processio, mudentur, ipsæque Ecclesiæ, & viarum parietes tapetibus, aulæis, frondibus, floribus, gramine, sacris imaginibus, quò ad fieri potest, decenter ornentur: figuris

figuris quibuscunque vanis, Augustissimo speciebus panis velato hospite indignis, procul amotis.

Processio autem cum sanctissimo Sacramento non tam longi itineris circuitu institui debet, ne aut populi devotio languescat, aut computationibus, aliisque indecoris factis occasio præbeatur; atque ita abbrevientur, ut omnis irreverentiæ tollatur occasio. Idcirco etiam in nuperis parochiarum ruralium visitationibus, ordinavimus ut ultra horæ unius spatium, SS. Sacramentum non circumferatur. Minimè etiam probanda est consuetudo exponendi SS. Sacramentum in majoribus festivitibus Sanctorum, & ferè festis omnibus, mos enim ille adversatur cæremoniali Episcoporum, aliisque ritualibus. Attendendum enim est ne ob nimiam exponendi frequentiam cultus ei debitus & honor minuatur, quod ex frequentissima expositione evenit: dum sine sufficiente Clericorum numero, cantu, thurificatione, luminaribus sufficientibus &c. perfunctoriè exponitur. Ea de causa Illustrissimus D. Cardinalis *Nicolaus* Anno 1451. *Cusanus* in hac Trevirensi Diocesi oriundus, à leminarii Clericorum ac hospitalis fundatione clarus, in synodo Coloniae habitata statuit ut per annum, solummodò in octava SS. Sacramenti, & ultra, unicâ tantummodo vice in processione circumferretur.

PROCESSIO IN FESTO PURIFICAT. B. M. VIRG.

habetur supra, pag. 177.

PROCESSIO IN DIE CINERUM.

de qua dictum est supra, pag. 184.

EA fit absque vexillis, prælata solùm cruce in hasta, & fit circa templum, vel intra ambitum templi, sub de cantatione sequentis responsorii: eaque intra templum reversâ sacerdos ante summum altare in genua provolutus, canit Litanias de omnibus SS. quæ habentur supra in benedictione ignis sabbatho paschæ pag. 218.

Respons.